



Concello de Vigo

**D<sup>a</sup>. NURIA RODRÍGUEZ RODRÍGUEZ, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO**

**C E R T I F I C O:** Que a Xunta de Goberno Local, na **sesión ordinaria do 25 de abril de 2019**, adoptou o seguinte acordo:

**3.- PROPOSTA DE ESTIMACIÓN DOS RECURSOS POTESTATIVOS DE REPOSICIÓN PRESENTADOS POLOS SOLICITANTES DO “PROGRAMA MUNICIPAL DE AXUDAS EXTRAORDINARIAS A FAMILIAS PARA GASTOS DE ALOXAMENTO SUMINISTROS E ALIMENTACIÓN (AEFAS/2018)”. EXPTE. 148852/301.**

Examinadas as actuacións do expediente, visto o informe de fiscalización do 15/04/19, dáse conta do informe-proposta de data 13/03/19, asinado polo asesor xurídico adxunto de Benestar Social, a xefa da de Benestar Social, o xefe de Área, e pola concelleira-delegada da Área de Política Social, que di o seguinte:

**I. FEITOS/ANTECEDENTES**

I.1. A Xunta de Goberno Local, na súa sesión extraordinaria e urxente do 11.01.2018, acordou aprobar as Bases e a convocatoria do «PROGRAMA MUNICIPAL DE AXUDAS EXTRAORDINARIAS A FAMILIAS PARA GASTOS DE ALOXAMENTO, SUBMINISTROS E ALIMENTACIÓN – 2018», elaboradas polo Departamento de Benestar social do Concello de Vigo (Exp. nº 148852/301).

I.2. O obxectivo destas axudas é o de poñer a disposición das persoas e familias necesitadas uns recursos económicos que lles permitan facer fronte, alomenos parcialmente, ós gastos derivados do uso da súa vivenda habitual, da compra de alimentos e dos subministros básicos do fogar, procurando evitar os desafiuzamentos derivados da falta de pagamento do aluguer ou do crédito hipotecario, as carencias básicas de alimentación e as situacións de «pobreza enerxética», que mesmo poderían imposibilitar o normal uso e goce da vivenda.

I.3. Para estes efectos, nos orzamentos municipais de 2018 consignouse unha partida por importe de 1.640.000 € destinada, especificamente, para cubrir este tipo de necesidades sociais básicas (aplicación orzamentaria nº 2310.480.00.02: “Axudas alugueiro vivenda, alimentos e c. Enerxética”).

I.4. As Bases deste Programa foron publicadas no taboleiro oficial de anuncios da Casa do Concello, nas Unidades de Traballo Social (UTS), na web municipal e no BOP de Pontevedra nº 15 do 22 de xaneiro de 2018. Durante o prazo establecido para a presentación de solicitudes, contado desde o día seguinte ó da publicación do extracto da convocatoria no BOP nº 68, do 09.04.2018, tiveron entrada no Rexistro xeral municipal un total de 2.964 solicitudes.

I.5. Polo órgano instrutor (Departamento de Benestar social) foron tramitadas as solicitudes e comprobado o cumprimento dos requisitos esixibles e a correspondente documentación acreditativa. A seguir, procedeu á súa avaliación de acordo cos criterios contidos nas Bases e a determinar os importes das axudas a percibir en cada caso.



I.6. Rematada a instrucción do expediente remitiuse á Comisión de valoración, que elaborou unha proposta coa relación de todas as persoas solicitantes que participaron na convocatoria, facendo constar expresamente as axudas concedidas e as denegadas, indicando neste último suposto a causa da denegación (Acta de data 25.09.2018).

I.7. Conforme co establecido na normativa de réxime local (Art. 127.g] LRBRL), na reguladora das subvencións públicas (Arts. 7.4, 23.3 LSG...) e na Base 13.4 do «PROGRAMA MUNICIPAL DE AXUDAS EXTRAORDINARIAS...», a Xunta de Goberno Local na súa sesión extraordinaria e urxente do 11.10.2018 acordou, por proposta do instructor do expediente e previo informe da Comisión de valoración, resolver esta convocatoria de axudas nos seguintes termos:

*«PRIMEIRO.- Conceder ás 1.937 persoas solicitantes que se relacionan no Anexo I (que comeza co doc. nº 180.052.008 e remata co nº 180.072.255), as axudas económicas que alí se indican, por cumprir cos requisitos establecidos nas Bases do «PROGRAMA MUNICIPAL DE AXUDAS EXTRAORDINARIAS A FAMILIAS PARA GASTOS DE ALOXAMENTO, SUBMINISTROS E ALIMENTACIÓN – 2018». O gasto total (1.619.992,24 €) imputarase á aplicación orzamentaria nº 2310.480.00.02: “Axudas alugueiro vivenda, alimentos e c. Enerxética”.*

*SEGUNDO.- Denegar ditas axudas económicas ás 1.027 persoas solicitantes que se relacionan no Anexo II (que comeza co doc. nº 180.051.966 e remata co nº 180.095.038) por incumprir os requisitos das Bases, indicándose en cada caso a causa concreta de denegación.*

*TERCEIRO.- Publicar este Acordo e os seus Anexos no Taboleiro oficial de anuncios da Casa do Concello e nas Unidades de Traballo Social do Servizo de Benestar Social. Será obxecto de publicación tamén no “Portal da Transparencia e Bo Goberno” do Concello de Vigo (<http://transparencia.vigo.org>) e remitirase a información precisa á Base de Datos Nacional de Subvencións (BDNS).*

*CUARTO.- Notificar o acordo a todas as persoas interesadas, con indicación de que pon fin á vía administrativa e de que contra el poderán interpoñer recurso potestativo de reposición perante o mesmo órgano que a ditou no prazo dun mes ou ben, directamente, recurso contencioso-administrativo perante os xulgados do contencioso-administrativo de Vigo no prazo de dous meses, ámbolos dous prazos contados a partir do día seguinte á recepción da súa notificación. De se presentar o recurso de reposición, non poderá interpoñerse recurso contencioso-administrativo ata que sexa resolto expresamente o primeiro ou ben se produza a súa desestimación presunta polo transcurso do prazo máximo dun mes establecido para ditar e notificar a resolución (Arts. 123 - 124 da Lei 39/2015 e 8, 25, 46 e ccdtes. da Lei 29/98)».*

I.8. Contra este Acordo da Xunta de Goberno local algunhas das persoas interesadas presentaron no Rexistro xeral municipal recursos potestativos de reposición. De todos eles, propúxose inicialmente á XGL estimar un total de 12, por cumprir os requisitos das bases da convocatoria; o que así fixo o órgano resolutorio na súa sesión do 21.02.2019. O gasto por este concepto foi de 7.551,66 €, financiable con cargo á aplicación nº 2310.480.00.02 (exercicio 2019).

I.9. Con todo, posteriormente e logo do exame máis polo miúdo dos recursos restantes, inicialmente considerados como susceptibles de desestimación, comprobouse que cinco (5) deles sí debían ser tamén estimados. Son, en concreto, os referidos ós expedientes núms. 153785/301,





## Concello de Vigo

152755/301, 154919/301, 153579/301 e 152651/301; recursos que agora se propón estimar expresamente polos motivos que en cada caso se indican.

I.10. Na súa sesión ordinaria do 07.03.2019 a Xunta de Goberno Local desestimou xa expresamente noventa e oito (98) recursos de reposición presentados contra o Acordo da XGL do 11.10.2018 polo que se denegaron as solicitudes de concesión de axudas económicas ó abeiro do «PROGRAMA MUNICIPAL DE AXUDAS EXTRAORDINARIAS A FAMILIAS PARA GASTOS DE ALOXAMENTO, SUBMINISTROS E ALIMENTACIÓN – 2018» que figuraban no Cadro Anexo por superar o nivel de rendas máximo establecido nas Bases, non achegar toda a documentación requirida ou polas demais circunstancias que se expresaron en cada caso.

I.11. O importe total das cinco (5) axudas que se propón conceder nesta 2ª Resolución é de 2.904,60 €; gasto financiable con cargo á aplicación nº 2310.480.00.02 dos Orzamentos de 2019.

## II. NORMATIVA RELACIONADA

- CE/1978 (Constitución española, 29 decembro 1978).
- EAG (Estatuto de Autonomía de Galicia; LO.1/1981, do 6 de abril).
- LRBRL (L.7/1985, do 2 de abril, Reguladora das Bases do Réxime local).
- L.27/2013, do 27 de decembro, de Racionalización e Sostibilidade da Admón. local.
- L.5/2014, do 27 de maio, de medidas urxentes derivadas da entrada en vigor da Lei 27/2013, do 27 de decembro, de racionalización e sustentabilidade da Administración Local.
- L.19/2013, do 9 de decembro, de transparencia, acceso á información pública e bo goberno.
- TRRL (RDlex. 781/1986, do 18 de abril, Texto refundido das disposicións legais vixentes en materia de Réxime local).
- LALGA (L.5/1997, do 22 de xullo, de Administración local de Galicia).
- ROF (RD.2586/1986, do 28 de novembro, Regulamento de Organización, funcionamento e Réxime xurídico das Entidades locais).
- LPACAP (L.39/2015, do 1 de outubro, do Procedemento administrativo común das Admóns. Públicas).
- LRXSP (L.40/2015, do 1 de outubro, de Réxime xurídico do Sector público).
- LRXCA (L.29/1998, do 13 de xullo, reguladora da Xurisdicción contencioso-administrativa).
- L.10/2013, do 27 de novembro, de inclusión social de Galicia.
- L.13/2008, do 3 de decembro, Lei de servizos sociais de Galicia.



- LXS (L.38/2003, do 17 de novembro, Lei xeral de subvencións).
- LSG (L.9/2007, do 13 de xuño, de subvencións de Galicia).
- RD.887/2006, do 21 de xuño, Regulamento da Lei xeral de subvencións.
- Programa municipal de axudas extraordinarias a familias para gastos de aloxamento, subministros e alimentación – 2018 (Concello de Vigo; XGL do 11.01.2018; BOP nº 15, do 22.01.2018 e BOP nº 68, do 09.04.2018).
- Bases de execución do Orzamento xeral – Concello de Vigo.

### III. DEREITO/VALORACIÓN XURÍDICA

III.1. En aplicación dos principios antiformalista e pro actione que rexen o procedemento administrativo e de acordo co disposto no Art. 115.2 da LPACAP, resulta indiferente para a tramitación e resolución dos recursos a cualificación concreta que as persoas recorrentes lle asignen ós escritos de impugnación (reclamación, revisión...), sempre que do seu contido poida inferirse o verdadeiro carácter de recurso administrativo.


III.2. Así as cousas, os recursos potestativos de reposición presentados diríxense contra o precitado Acordo da Xunta de Goberno Local do 11.10.2018, desestimatorio das súas solicitudes de concesión dunha axuda económica con cargo ás bases e convocatoria do «PROGRAMA MUNICIPAL DE AXUDAS EXTRAORDINARIAS A FAMILIAS PARA GASTOS DE ALOXAMENTO, SUBMINISTROS E ALIMENTACIÓN – 2018».

III.3. Os escritos de recurso cumpren cos requisitos formais básicos para a súa admisibilidade: interpoñense en prazo e forma polas persoas interesadas e diríxense fronte a un acto administrativo susceptible de impugnación por este medio (Art. 112, 123 e ccddtes. LPACAP), solicitando a estimación do recurso e, en consecuencia, que se deixe sen efecto a resolución impugnada e se estime a concesión da subvención directa solicitada na instancia.

III.4. De acordo co disposto no Art. 124.2 da LPACAP, o prazo máximo para ditar e notificar a resolución do recurso de reposición é dun (1) mes. Transcorrido este sen que se producise a súa resolución expresa, deberíase entender desestimado por silencio administrativo (Art. 24.1 LPACAP) para os efectos de poder deducir o recurso contencioso-administrativo; sen prexuízo da obriga que pesa sobre a Administración de dictar resolución expresa en todos os procedementos e de notificala, calquera que sexa a súa forma de iniciación (Art. 21.1 LPACAP).

III.5. Examinados os respectivos recursos e revisadas e valoradas de novo as súas solicitudes de acordo coas Bases aprobadas, debe recoñecérselle ós solicitantes que a seguir se relacionan o dereito a percibir, ó abeiro do «PROGRAMA MUNICIPAL DE AXUDAS EXTRAORDINARIAS A FAMILIAS PARA GASTOS DE ALOXAMENTO, SUBMINISTROS E ALIMENTACIÓN – 2018», unha axuda polo importe indicado para cada un de eles.

Achégase en cada un dos expedientes físicos, a modo de ficha, unha explicación pormiudada dos feitos e motivos que xustifican a estimación dos recursos en cuestión.

	Copia do documento - Concello de Vigo	Data impresión: 20/04/2024 04:33	Páxina 4 de 7
	SUBVENCIONS	CSV: 2987BC-DHEFEA-2CE835-WSHFX9-W6VHE1-EH	
	Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



Concello de Vigo

AEFAS 2018 (2ª Resol.)  
RECURSOS ESTIMADOS

Nº	RECORRENT E DNI/NIE/PAS.	EXP. Nº DOC. Nº	MOTIVO ESTIMACIÓN	PUNTOS	IMPORTE AXUDA CONCEDIDA (valor pto.: 96,82€)
1	39.463.107-Y	153785/301 180180000	Recálculo da renda efectiva da unidade familiar aplicando deducción por gastos de vivenda acreditados de 175€ (aluguer).	2	193,64 €
2	36.079.820-L	152755/301 180185391	Recálculo da renda efectiva da unidade familiar aplicando deducción por gastos de vivenda acreditados de 200€ (hipoteca).	4	387,28 €
3	53.184.182-V	154919/301 180194710	Recálculo da renda efectiva da unidade familiar sen imputación de RISGA (non concorre o suposto de perda/renuncia previsto na Base sétima, Apdo. 7.1.3º).	6	580,92 €
4	36.142.569-R	152651/301 180175115	Recálculo da renda efectiva da unidade familiar sen imputación de RISGA (non concorre o suposto de perda/renuncia previsto na Base sétima, Apdo. 7.1.3º).	16	1.549,12 €
5	36.117.974-Q	153579/301 180174310	Recálculo da renda efectiva da unidade familiar aplicando deducción por gastos de vivenda acreditados de 325 (aluguer).	+2	193,64 € (diferencia entre o importe xa concedido por 6 pto.: 580,92 € e o que realmente lle corresponde por 8 pto.: 774,56 €).
					TOTAL: 2.904,60 €

IV. PROPOSTA

En consecuencia, visto o que antecede e a normativa de pertinente aplicación; en especial, os artigos 112-119 e 123-124 da LPACAP, propónse á Xunta de Goberno Local, a adopción do seguinte,




«ACORDO

PRIMEIRO: Estimar os recursos potestativos de reposición presentados polos solicitantes que a continuación se relacionan contra o Acordo da Xunta de Goberno Local de data 11.10.2018 polo que se denegou a súa solicitude de concesión dunha axuda económica ó abeiro do «PROGRAMA MUNICIPAL DE AXUDAS EXTRAORDINARIAS A FAMILIAS PARA GASTOS DE ALOXAMENTO, SUBMINISTROS E ALIMENTACIÓN – 2018», recoñecéndolle o dereito a percibir unha axuda en tal concepto polo importe indicado, que se imputará á aplicación orzamentaria nº 2310.480.00.02 dos Orzamentos de 2019.

Nº	RECORRENTE DNI/NIE/PAS.	EXP. Nº DOC. Nº	MOTIVO ESTIMACIÓN	PUNTOS	IMPORTE AXUDA CONCEDIDA (valor pto.: 96,82€)
1	39.463.107-Y	153785/301 180180000	Recálculo da renda efectiva da unidade familiar aplicando deducción por gastos de vivenda acreditados de 175€ (aluguer).	2	193,64 €
2	36.079.820-L	152755/301 180185391	Recálculo da renda efectiva da unidade familiar aplicando deducción por gastos de vivenda acreditados de 200€ (hipoteca).	4	387,28 €
3	53.184.182-V	154919/301 180194710	Recálculo da renda efectiva da unidade familiar sen imputación de RISGA (non concorre o suposto de perda/renuncia previsto na Base sétima, Apdo. 7.1.3º).	6	580,92 €
4	36.142.569-R	152651/301 180175115	Recálculo da renda efectiva da unidade familiar sen imputación de RISGA (non concorre o suposto de perda/renuncia previsto na Base sétima, Apdo. 7.1.3º).	16	1.549,12 €
5	36.117.974-Q	153579/301 180174310	Recálculo da renda efectiva da unidade familiar aplicando deducción por gastos de vivenda acreditados de 325 (aluguer).	+2	193,64 €  (diferencia entre o importe xa concedido por 6 ptos: 580,92 € e o que realmente lle corresponde por 8 ptos.: 774,56 €).
					TOTAL: 2.904,60 €

SEGUNDO: Notificar ás persoas recorrentes, con indicación de que contra a resolución deste recurso non cabe ningún outro recurso administrativo, a non ser o extraordinario de revisión nos casos establecidos no artigo 125.1 da LPACAP, e de que poderán interpoñer recurso contencioso-administrativo nos Xulgados do contencioso-administrativo de Vigo no prazo de dous (2) meses contado desde o día seguinte ó da notificación do Acordo.

TERCEIRO: Publicar este acordo no Taboleiro oficial de anuncios da Casa do Concello e nas Unidades de Traballo Social do Servizo de Benestar Social. Será obxecto de publicación tamén no

	Copia do documento - Concello de Vigo	Data impresión: 20/04/2024 04:33	Páxina 6 de 7
	SUBVENCIONS	CSV: 2987BC-DHEFEA-2CE835-WSHFX9-W6VHE1-EH	
	Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



“Portal da Transparencia e Bo Goberno” do Concello de Vigo (<http://transparencia.vigo.org>) e remitirase a información precisa á Base de Datos Nacional de Subvencións (BDNS)».

**Acordo**

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

CCA/me

V. e Pr.

O ALCALDE,  
Abel Caballero Alvarez.

	Copia do documento - Concello de Vigo	Data impresión: 20/04/2024 04:33	Páxina 7 de 7
	SUBVENCIONS	CSV: 2987BC-DHEFEA-2CE835-WSHFX9-W6VHE1-EH	
	Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		